

# CYNGOR CYMUNED LLANLLECHID LLANLLECHID COMMUNITY COUNCIL

Clerc a Phrif Swyddog Cyllid  
*Clerk and Chief Financial Officer*

**Caroline Jones**

01248 602131

[CyngorLlanllechid@ogwen.org](mailto:CyngorLlanllechid@ogwen.org)

26 Stryd Fawr

Bethesda

Gwynedd

LL57 3AE

## Cofnodion Cyfarfod Cyffredinol a gynhaliwyd yng Nghanolfan Cefnfaes ar nos Iau 9 Mehefin 2022 am 19.00

### 1. PRESENNOL:

#### Ward Llanllechid Isaf

Y Cynghorydd Lowri Evans

Y Cynghorydd Alun Thomas

Y Cynghorydd Megan Tomos

#### Ward Llanllechid Uchaf

Y Cynghorydd Jên Morris

Y Cynghorydd Dafydd K Jones

Y Cynghorydd Kevin Williams

**Croesawyd pawb i'r cyfarfod gan y Is-gadeirydd, Cyng. Kevin Williams.**

### 2. Trafodaeth gyda Abbie Edwards, Partneriaeth Tirwedd y Carneddau a Naomi Jones, Parc Cenedlaethol Eryri.

Cafwyd crynodeb drylwyr am gynllun y Carneddau gan Abbie a Naomi, a chafodd yr aelodau'r cyfle i amlygu eu pryderon. Diolchwyd i'r ddwy am y diweddariad.

**3. Ymddiheuriadau** - Y Cyng. Wyn Bowen Harris, Evan Jones a Geraint Hughes.

### 4. Cofnodion

Penderfynwyd derbyn a chadarnhau cofnodion y cyfarfod a gynhaliwyd ar 12 o Fai 2022.

### 5. Materion yn codi o'r cofnodion

**Twll yn y ffordd ger y Wern** – Dim diweddariad. Y Cyng. Dafydd Meurig i holi Cyngor Gwynedd am ddiweddariad, a'r Clerc i holi Cyng. Dafydd Meurig.

**Cysylltiad Fibreoptig** – Y Cyng Megan Tomos wedi llythyru Lee Waters AS a Sian Gwenllian AS. Disgwyl ymateb.

**Llyn Bryn** – Nodwyd fod y Clerc wedi cysylltu â'r Stad i nodi pryderon y Cyngor am y 3 bwlch, dim ymateb hyd yn hyn. Clerc i holi eto ac i wahodd Elis Jones i'r cyfarfod nesaf.

**Arwyddion Maes y Groes** – Dim arwyddion wedi ei osod hyd yn hyn. Y Clerc i gysylltu gyda Ian Morgan, Cyngor Gwynedd i drefnu ymweliad safle gyda Cyng. Evan Jones.

**Datblygiadau Bronydd Isaf** – Dim diweddariad hyd yn hyn, nodwyd fod yr adran gorfodaeth yn hynod o brysur ar hyn o bryd a dim ond 2 aelod o staff yn delio gyda'r holl achosion yng Ngwynedd.

**Gardd Cymunedol** – Y Cyng. Evan Jones ac Alun Thomas wedi cyfarfod gyda Coryn Bye yn y gardd gymunedol. Coryn wedi cytuno i newid y llechi am risgl coed.

**Ffordd Llwyn Bleddyn – cais am drych** – Y Clerc wedi gwneud cais i Gyngor Gwynedd am ddrych ar y gornel - disgwyl ymateb.

**Pant Bowls** – Y Clerc wedi ebostio Cyng. Dafydd Meurig - disgwyl ymateb.

**Bryn Derwas** – Y Clerc wedi anfon sylwadau'r Cyng. Evan Jones ymlaen i Gyngor Gwynedd. Cyngor Gwynedd am wneud asesiad o'r lleoliad a chadarnhau os byddent yn darparu bin newydd yma.

**Llwybr Capel Gilfach fyny at Bronydd** – Y Clerc wedi rhannu rhif ffôn y Cyng. Alun Thomas gyda'r adran Llwybrau. Nodwyd fod dim cysylltiad hyd yn hyn.

**Prosiect Partneriaeth y Carneddau** – Adroddwyd fod cyfarfod wedi ei gynnal gyda Dr Prysor Williams a Naomi Jones i drafod Cynllun Partneriaeth Tirwedd y Carneddau. Nodiadau'r cyfarfod yn y rhestr ohebiaeth.

**Gwaith adnewyddu ar y corlannau** - Y Clerc wedi rhannu rhif ffôn y Cyng. Kevin Williams gyda Dewi Roberts, Ymddiriedolaeth Genedlaethol. Nodwyd fod y Cynghorydd heb dderbyn galwad hyd yn hyn.

**Cae Peldroed Talybont** - Cyngor Gwynedd wedi cadarnhau nid oes angen caniatad cynllunio i osod 'container' wrth y Cae Peldroed. Y cyng. Alun Thomas wedi cael pris am beiriant torri gwair - oddeutu £3000. Y clercc wedi ymholi gyda chwmni yswiriant ynglyn a gwirfoddolwyr yn torri'r gwair ar y cae, adroddwyd fod yr yswiriant yn cynnwys gwirfoddolwyr sydd â phrofiad gyda'r offer, a chadarnhawyd fod unrhyw offer sydd i'w gadw o dan glo hefyd wedi ei yswirio. Nodwyd y Cyng. Kevin Williams ar ran y Cyng. Evan Jones, ei fod wedi awgrymu y gellid newid ffin y cae pêl-droed i ganiatáu mwy o leoedd parcio. Y Cyng. Alun Thomas am drafod hyn ymhellach gyda Stad Penrhyn.

**Llwyn Bedw** – Adroddwyd fod rhifau 12 a 13 Llwyn Bedw o fewn ffin plwyf Bethesda ac felly yn talu treth y plwyf hwn, ond fod gweddill y stad ym mhlwyf Llanllechid. Y Clerc wedi cysylltu gyda'r Cynghorwyr Paul Rowlinson a Dafydd Meurig i holi am hanes y ffin, a pryd symudwyd y ffin hanesyddol. Y Clerc i gysylltu gyda Chyngor Gwynedd i drïo cael gwybodaeth o'r archif.

## 6. Taliadau

Awdurdodwyd y taliadau canlynol:

Julian Johnson	Torri gwair mis Mai	£325.00
J Temple Morris & Sons	Gwaith adnewyddu set Llanllechid	£2300.00

## 7. Y Mynydd

Dim diweddariad ar gael.

## 8. Sedd Wag

Derbyniwyd un cais am y sedd wag yn Ward Llanllechid Isaf. Penderfynwyd cyfethol Robin Williams fel Cynghorwr yn y ward hon, y Clerc i lunio llythyr cynnig a'i gwahodd i'r cyfarfod nesaf.

## 9. Ethol Cynrychiolwyr Un Llais Cymru

Y Cyng. Megan Tomos wedi ei ethol. Y Clerc i ddanfôn y manylion ymlaen i'r Cynghorwr ac i Un Llais Cymru.

## **10. Gohebiaeth**

**10.1 Penodiad Aelod Cymunedol i'r Pwyllgor Safonau** - Nodwyd yr ohebiaeth, dim sylwadau.

**10.2 Cynnydd Tîm Tacluso Ardal Ni (Tirau Cymunedau Glan a Thaclus)** - Nodwyd yr ohebiaeth.

**10.3 Ymgynghoriad ar gynlluniau Teithio Llesol ar gyfer y dyfodol** – Penderfynwyd y bydd y cynghorwyr yn cwblhau'r holiadur fel unigolion.

## **11. Adroddiadau gan Gynrychiolwyr**

**GwyrddNi - Creu Cymunedau Gwyrdd** – Adroddwyd fod y Cyng. Jen Morris wedi mynychu'r cyfarfod a chafwyd adroddiad byr.

## **12. Ceisiadau a phenderfyniadau Cynllunio**

### **C20/0504/21/LL**

Tir ar Fferm Corbri, Llanllechid

Codi tŷ fforddiadwy un llawr, mynedfa, llecynnau parcio, tanc septig ynghyd â thanc cynaeafu dŵr

**Penderfyniad:** Ar y gweill.

### **C21/0078/21/CC**

Ogwen Bank, Bethesda

Torri a thocio coed sy'n destun gorchymyn gwarchod coed 3/TPO/GCC/17 (ail-gyflwyniad a diweddariad o gais rhif C20/0154/21/CC)

**Penderfyniad:** Ar y gweill.

### **C21/0099/21/CC**

Ogwen Bank, Bethesda

Mesurau i ddiogelu coed a gorchymyn coed arnynt yn ystod gwaith i uwchraddio'r parc carafanau

**Penderfyniad:** Ar y gweill.

## **Ceisiadau Cynllunio**

### **C22/0464/21/cc**

8 Llwyn Bedw, Rachub, Bethesda

Torri coeden a gorchymyn gwarchod coed arni.

**Penderfyniad:** Dim gwrthwynebiad os yw'r goeden yn berygl.

## **12. Materion Brys**

Dim.

**13. Adroddiad Llais Ogwan** – Penderfynwyd y bydd yr adroddiad nesaf yn cynnwys fod cynrychiolwyr Parc Cenedlaethol Eryri a Phartneriaeth y Carneddau wedi mynychu'r cyfarfod i drafod cydweithio yn y dyfodol. Hefyd, fod Sêr Llanllechid wedi ei hadnewyddu ac yno fydd y sêl yn cael ei chynnal ym mis Gorffennaf.